



LIA ROMONTSCHA
LIGIA ROMONTSCHA

Nachtrag zum ladinischen Kalender.

Einige gewöhnliche Redewendungen mit deutscher Übersetzung.

Bon di, bèrba!
Bon dò-mezdi, landa!
Bòna seira, kla žeuna!
Bòna nūet, kl žeun!
Bon apetít!
Grazia, parimenti }
Grazia, nč'a ti (vo) }

Guten Tag, Alter (Onkel)!
Guten Nachmittag, (Tante);
Guten Abend, Fräulein!
Gute Nacht, junger Mann.
Guten Appetit.
Danke, gleichfalls.

Tan d'anj ès-a?
Tan vödl seis-a?
È setant' anj.
O, seis mò žeun, bera Ptòne,
n'eis mò degún dèntes.

Wie alt bist du?
Wie alt seid ihr?
Ich bin 70 Jahre alt.
O, Ihr seid noch jung, Onkel
Anton, Ihr habt noch gar
keine Zähne.

Kò pass-la, bèra Tita?
O, grazia, nia tan mèl.
È audí ke seis sta amalà.

Wie geht's, Onkel Baptist?
O, danke, nicht so übel.
Ich habe gehört, daß Ihr krank
gewesen seid.

Ši, i i dutores ne me la fažòva-pa
nia tan bòna; minòve-pa adös
de messei i trè la skritures,

Ja, und die Ärzte stellten mir
die Sache gar nicht günstig
vor; ich glaubte fast, mit der
Welt abschließen zu müssen.
(eigentlich: ihm die Akten
hinwerfen zu müssen),
aber ich habe die Krankheit
doch noch überstanden.

ma me l'è mpò mò parèda.

Nküei îe-l inò n bôl di; nši
messëss-el stè xën n trei
önes:

O, k'st an ne pudóns-a nia se
lamentè; om-pa bën abù n
bôl instà permöz al an
passà.

Heute ist wieder ein schöner
Tag; so sollte es jetzt noch
ungefähr drei Wochen blei-
ben.

O, heuer können wir uns wohl
nicht beklagen; wir haben
wohl einen schönen Sommer
gehabt gegen voriges Jahr.

Dò marënde žons-a m pûe' a
spaz, nó-pa?

Ulà-pa?

Magari da val ite.

Nküei è-i tēma ke vënje mò
la plūēja:

Dažons-en euta, nfin ke l îe
tēmp i eura:

Nach dem Essen gehen wir ein
wenig spazieren, nicht wahr?
Wohin denn?

Etwa ins Langtal.

Heute kommt noch Regen,
fürchte ich.

Kehren wir um, solange es
noch Zeit ist.

Pröie bôl de m pûe' de fûek:
Ūes-a na zigara?

Še te n-ès mè nši una da garàt,
še bën:

Ich bitte um ein wenig Feuer.
Willst du eine Zigarre?

Wenn du gerade eine zu ver-
geben hast, so ja.

Kan žeis-a sa mont?

L va for su per kla montes;
ma sui krēpes ne se nfid-el
a ži:

Tan lonč îe-l-pa da tlo sun som
a mont (mon' de Frèa, mon'
de Faša)?

Seis-a mèi sta sun kòl de Ru-
dòla?

Al častòl de val messeis ēnke
ži a-i čalè:

Wann geht Ihr auf die Alpe
(um zu mähen)?

Er geht immer auf die »Almen«,
aber auf die Berge getraut
er sich nicht zu gehen.

Wie weit ist es von hier aufs
Joch (Grödnerjoch, Sella-
joch)?

Sind Sie jemals auf Col de Ro-
della gegangen?

Die Ruine Wolkenstein (im
Langtal) müssen Sie sich
auch ansehen.

Gatëss-i-pa n čavàl (na kalès,
n lōndauer) nfin-a Urtižei?

Könnte ich ein Pferd (einen
Einspanner, Landauer) haben
nach St. Ulrich?

No, nen on plu degùn čavàl,
messeis mè aspitè nfin ke
vèn la pòsta:

Mùess-un-pa tò n buletín a ži
kula posta?

Da č'eura ġeur-i-pa la pòsta?

Nein, wir haben kein Pferd
mehr da, Sie müssen nur
warten, bis der Postwagen
kommt.

Muß man ein Billett lösen, um
mit der Post zu fahren?

Um wieviel Uhr öffnet man
das Postamt?

T'ustaria:

Kla žeuna, da-me n kèr' de
vin, è seit.

Bèra òst, dažè-me n bukèl de
pìer.

Če eis-a de bon da majè? è
fam:

Prata de vadöl, ljanjes, ũeves
kûeč te smaüz:

No, ulèsse plu ġèn vèl de freit:

Šalàm, šinken, ljanjes sfumjè-
des, čèrn sfumjèda, čòčul;
čažûel de čèza, čažûel de
mòla, šbaizer:

Dažè-me na purziòn de čažûel
de mòla:

M pûe' de pan ulèss-i ěnke, pò
sèl i purvèda:

Xènèss-i-pamagari ũeja a fumè
na zigara; ma nen è degùn
fulminànč:

Muta, laše-te ma di: n iède
fòv-i ruà te ne tèl bótula k'i
òva fulminànč sun meiza:

Tlo-vè! messeis kumpatì, ma on
abù tan nòt n seira nfin la
trei, pò nen è-i mò nia finà
de rumè su nkûei i d'arzinjè
ka dut:

Pudèss-i-pa ružnè kul ost (kul'
òsta)?

Im Gasthaus:

Fräulein, geben Sie mir ein
Viertel Wein, ich bin durstig.
Herr Wirt, geben Sie mir ein
Glas Bier.

Was haben Sie Gutes zum
Essen? ich bin hungrig.

Kalbsbraten, Würste, Ochsen-
augen.

Nein, ich möchte lieber etwas
Kaltes.

Salami, Schinken, geselchte
Würste, Selchfleisch, Speck;
Hauskäse, Schnittkäse,
Schweizerkäse.

Geben Sie mir eine Portion
Schnittkäse.

Ein bißchen Brot möchte ich
auch, dann Salz und Pfeffer.

Jetzt hätte ich fast Lust, eine
Zigarre zu rauchen; aber ich
habe keine Zünder.

Kellnerin, hör' mal: einst war
ich in so eine Spelunke ge-
kommen, wo man Zünder auf
den Tisch stellte.

Da sind welche! Sie müssen
entschuldigen, wir haben ge-
stern nachts so viel zu tun
gehabt bis 3 Uhr, da bin ich
heute mit dem Aufräumen
und Herrichten noch nicht
fertig.

Könnte ich den Wirt (die
Wirtin) sprechen?

Ladinischer Kalender für das Grödnertal.

**Kaländer de Gerdëina
per l an 1911.**



**Fat da Arkanğul Lardschneider de Čampáč
Dat ora da Užöp Runggaldier da Passua.**



== Preis nebst Beilage 80 h.



Dispruk.

Stamparia del Kinderfreund.

22.3.75

Kò ke n mûesa liêžer:

è, ò: vèlk, mèl, òra; òrde;

ē: kēl, kēš, ēl; iērba;

č, ģ: čantè, ģatè;

š, ž: šaudè, ži, žagè;

x: xēn (= jetzt, adesso); zarè (= serrare, schließen);

z: zarè (= zerreißen, lacerare).





LIA ROMONTSCHA
LIGIA ROMONTSCHA

Nachtrag MCMXI

zum ladinischen Kalender.

Einige gewöhnliche Redewendungen mit deutscher Übersetzung.

Bon di, bèrba!
Bon dò-mezdi, landa!
Bòna seira, kla žeuna!
Bòna nûet, kl žeun!
Bon apetît!
Grazia, parimenti }
Grazia, nă'a ti (vo) }

Guten Tag, Alter (Onkel)!
Guten Nachmittag, (Tante);
Guten Abend, Fräulein!
Gute Nacht, junger Mann.
Guten Appetit.

Danke, gleichfalls.

Tan d'anj ès-a?
Tan vödl seis-a?
È setant' anj.
O, seis mò žeun, bera Ptòne,
n'eis mò degún dēntes.

Wie alt bist du?
Wie alt seid ihr?
Ich bin 70 Jahre alt.
O, Ihr seid noch jung, Onkel
Anton, Ihr habt noch gar
keine Zähne.

Kò pass-la, bèra Tita?
O, grazia, nia tan mèl.
È audí ke seis sta amalà.

Wie geht's, Onkel Baptist?
O, danke, nicht so übel.
Ich habe gehört, daß Ihr krank
gewesen seid.

Ši, i i dutores ne me la fazòva-pa
nia tan bòna; minòve-pa adòs
de messei i trè la skritures,

Ja, und die Ärzte stellten mir
die Sache gar nicht günstig
vor; ich glaubte fast, mit der
Welt abschließen zu müssen.
(eigentlich: ihm die Akten
hinwerfen zu müssen),
aber ich habe die Krankheit
doch noch überstanden.

ma me l'è mpò mò parèda.

Nkûei îe-l inò n bôl di; nši
messëss-el stè tèn n trei
ônes:

O, k'st an ne pudóns-a nia se
lamentè; om-pa bèn abù n
bôl instà permöz al an
passà.

Heute ist wieder ein schöner
Tag; so sollte es jetzt noch
ungefähr drei Wochen blei-
ben.

O, heuer können wir uns wohl
nicht beklagen; wir haben
wohl einen schönen Sommer
gehabt gegen voriges Jahr.

Dò marènde žons-a m pûe' a
spaz, nó-pa?

Ulà-pa?

Magari da val ite.

Nkûei è-i tēma ke vënje mò
la plûeja:

Dazons-en euta, nfin ke l îe
tēmp i eura:

Nach dem Essen gehen wir ein
wenig spazieren, nicht wahr?

Wohin denn?

Etwa ins Langtal.

Heute kommt noch Regen,
fürchte ich.

Kehren wir um, solange es
noch Zeit ist.

Pröie bôl de m pûe' de fûek:
Ues-a na zigara?

Še te n-ès mè nši una da garàt,
še bèn:

Ich bitte um ein wenig Feuer.
Willst du eine Zigarre?

Wenn du gerade eine zu ver-
geben hast, so ja.

Kan žeis-a sa mont?

L va for su per kla montes;
ma sui krēpes ne se nfid-el
a ži:

Tan lonč îe-l-pa da tlo sun som
a mont (mon' de Frèa, mon'
de Faša)?

Seis-a mèi sta sun kòl de Ru-
dòla?

Al častòl de val messeis ênke
ži a-i čalè:

Wann geht Ihr auf die Alpe
(um zu mähen)?

Er geht immer auf die »Almen«,
aber auf die Berge getraut
er sich nicht zu gehen.

Wie weit ist es von hier aufs
Joch (Grödnerjoch, Sella-
joch)?

Sind Sie jemals auf Col de Ro-
della gegangen?

Die Ruine Wolkenstein (im
Langtal) müssen Sie sich
auch ansehen.

Ġatëss-i-pa n čavàl (na kalès,
n lòndauer) nfin-a Urtižei?

Könnte ich ein Pferd (einen
Einspanner, Landauer) haben
nach St. Ulrich?

No, nen on plu degùn čavàl,
messeis mè aspitè nfin ke
vèn la pòsta:

Mùess-un-pa tò n buletín a ži
kula: posta?

Da č'eura ġeur-i-pa la pòsta?

Nein, wir haben kein Pferd
mehr da, Sie müssen nur
warten, bis der Postwagen
kommt.

Muß man ein Billett lösen, um
mit der Post zu fahren?

Um wièviel Uhr öffnet man
das Postamt?

T'ustaria:

Kla žeuna, da-me n kèr' de
vin, è seit.

Bèra òst, dažè-me n bukèl de
pièr.

Če eis-a de bon da majè? è
fam:

Prata de vadöl, ljanjes, ũeves
kūēč te smauz:

No, ulēsse plu ġèn vèl de freit:

Šalàm, šinken, ljanjes sfumjè-
des, čèrn sfumjèda, čòčul;
čažūel de čèza, čažūel de
mòla, šbaizer:

Dažè-me na purziòn de čažūel
de mòla:

M pūē' de pan ulēs-i ēnke, pò
sèl i purvèda:

Xēnēs-i-pamagariūēja a fumè
na zīgara; mā nen è degùn
fulminànč:

Muta, laše-te ma di: n iēde
fòv-i ruà te nē tēl bótula k'i
òva fulminànč sun meiza:

Tlo-vè! messeis kumpatì, ma on
abù tan nòt n seira nfin la
trei, pò nen è-i mò nia finà
de rumè su nkūēi i d'arzinjē
ka dut:

Pudēs-i-pa ružnè kul ost (kul'
òsta)?

Im Gasthaus:

Fräulein, geben Sie mir ein
Viertel Wein, ich bin durstig.
Herr Wirt, geben Sie mir ein
Glas Bier.

Was haben Sie Gutes zum
Essen? ich bin hungrig.

Kalbsbraten, Würste, Ochsen-
augen.

Nein, ich möchte lieber etwas
Kaltes.

Salami, Schinken, geselchte
Würste, Selchfleisch, Speck;
Hauskäse, Schnittkäse,
Schweizerkäse.

Geben Sie mir eine Portion
Schnittkäse.

Ein bißchen Brot möchte ich
auch, dann Salz und Pfeffer.

Jetzt hätte ich fast Lust, eine
Zigarre zu rauchen; aber ich
habe keine Zünder.

Kellnerin, hör' mal: einst war
ich in so eine Spelunke ge-
kommen, wo man Zünder auf
den Tisch stellte.

Da sind welche! Sie müssen
entschuldigen, wir haben ge-
stern nachts so viel zu tun
gehabt bis 3 Uhr, da bin ich
heute mit dem Aufräumen
und Herrichten noch nicht
fertig.

Könnte ich den Wirt (die
Wirtin) sprechen?

Ulësse na mažón da un liët
(da doi liëč) per òto di:

Magari al segondo partimënt:
Xën mò èga da me lavè; i m
pùë' d'èga čauda da me fè
la bërba:

Nkûei iê-l freit, mussessais
prôpi šaudè ite:

Musseis-a me mēter l guant a
sujë: son mòl trës:

Metēde nče i čauzèi a sujë, ma
no massa da užin da fűek, k'i
se bruže; pò i bikseneis.

Dumàn me kerdeis dala siës,
ke vó? ke m'en vède kula
pòsta da dumàn:

I kan dëss-i-pa ve purtè l
gustè?

Nteur mōza la söt:

Ich möchte ein Zimmer mit 1
Bett (mit 2 Betten) für acht
Tage.

Vielleicht im 2. Stock.

Jetzt noch ein wenig Wasser,
mich zu waschen; und etwas
warmes Wasser, um mich zu
rasieren.

Heute ist's kalt, Sie müssen
wirklich einheizen.

Sie müssen mir dann das Ge-
wand trocknen; ich bin durch
und durch naß.

Trocknen Sie auch die Schuhe,
aber stellen Sie sie nicht zu
nahe ans Feuer, daß sie ver-
brennen; dann wichen Sie sie.

Morgen wecken Sie mich um
6 Uhr! Nicht wahr? denn ich
fahre mit der Morgenpost weg.
Und wann soll ich Ihnen das
Frühstück bringen?

Gegen 1/27 Uhr.

Te buteiga:

Ulësse n valguua kërtes d'Ur-
tižei:

Če kosta-pa kēstes?

Eis-a nče boi da cin èleri?

Pò mò na kupërta de papière
da lètres:

Če monta-pa dut adùm?

Dažë-me na skátula de fulmi-
nànč:

i kater zigarès longës.

Dauss-un-pa fumè tlo?

Ši, ši, assè:

Pò me la mpöi mò, pò vèd-i
pa bën:

Im Kaufladen:

Ich möchte einige Ansichts-
karten von St. Ulrich.

Was kosten diese?

Haben Sie auch Fünfheller-
Marken?

Dann noch ein Kouvert Brief-
papier.

Wieviel macht alles zusammen?

Geben Sie mir eine Schachtel
Zünder.

und 4 Virginia-Zigarren.

Darf man hier rauchen?

Ja, gewiß.

Dann zünde ich mir noch die
Zigarre an, dann gehe ich
schon.



L an 1911

iê n an ordinàr da 365 dis.



Kater tēmpora iêl:

ai: 8, 10 i 11 de mērz;

ai: 7, 9 i 10 de žuni;

ai: 20, 22 i 23 de setēmbēr

ai: 20, 22, i 23 de dezēmbēr.



De 1 ġažùn:

I dis k' a na kreuš (†) iêl proibi de majē čērñ;

I dis k' a na steila (*) iêl proibi de se pašentē plu de
n iēde al di;

I dis k' a na kreuš i na steila (†*) iêl proibi de maič
čērñ i nče proibi de se pašentē plu de n iēde al di.





Bon di, bon an,
Ból liêger i san,
Kun grazia i fertuna
Del tēmp i del an,
Kun grazia i sanità
I kul manko piçà:
La böla i bōna man a mi,
La böla i bōna man a mi.



La čantia del primiziànt.

Fata da Senjeur Battista per la
měsa nevōla de Senjeur Antòne.

- I. Audidma, audidma, n tēl stlupetamēnt!
Čalēdma sun plaza, če fōla de žēnt.
Da santa Krestina, da Bula i Častōl
I tanč da Urtižēi k' iē nkūēi tló a nōš bōl.
- II. Xen čēli i kunšidra tan bōl kēl iē fa su,
De tēi bēi triumfpórten n'a-n pa mò udu.
Pò sfranži i spēnži i ūel se fē inant
Per udēi kēi da nōza i l Senjeur Primiziant.
- III. Xēn vēni al mōto, k' i sona adum;
Pu auter k' i vēn, i čalēdma če grum!
Če līŋa tan longā, če tlap de parēnč,
Amizi i kumpanjes i pekōnč i studēnč.
- IV. Dant-ōra i skulēies kul guan' da san-di,
A pēr bōl a līŋa škel toka da ži;
L maōster de skola iē ēnke leprò
Per mēter n pūe vérda k' i ne fēže vėl dandò.
- V. Čalē-ima ai šizri, tan bōl k' i se vēn!
Tan bēn k' i saudēies, s' astiēli pu xēn!
Ma i a pa nče n áukmòn ke sa kumandē
Kun zuch i kun n šnait ke l i fēš pròpi tremē.
- VI. Audidma la múžiga! N tēl iē n sunē!
Nkūēi dramī ite i la fēži stlēfē!
De tēi muzikōntri nen aud-un mē prēš:
Per auter kēl mīēni pā bēn nče nstēš!
- VII. Čalēdma pò. xēn kēi ke pōrta i valóns,
Se stiza i se prōva de trē ti kurdóns,
Ačò k' i nel zēre i nel pēte no žu,
L fos pa mófun mpò n pūe da-ulēi-mēl la tò su.

Sepl: »Oho, ne fos pa nia l plu rîe da fê. N mûesa mofun i fê n pûe la bôles, pò! i avei paziënza. La vödla mutàns, a savei n pûe da i ži, da pa dò šike na rûeta.«

»Pròva mè; iê te laše bën fê, iê; še t' iês bon de l'abinè èi kò gën.«

Sepl: »Mbën, tant pòsi pa i dè lesù?«

»Una da čënt basta; al plu mò una da diêš, pò fêla strapajêda.«

Sepl: »Bon pò, ma te mûeses me laše kindeš di de tēp; iê i piête n iêde setanta raines, pò uderàn bën še ne la ġatón per čënt i diêš. Ma dant al dut mûesi i fê la menines i čalè de l'avei bôna prad eila.«

Žnait òvel pa perkël asè kel Sepl; šebën kel òva 40 anj fòvel mò for da kèrdl i nče nia bur kòšo. Anda Berbla n'òda tòš 50; zakàn ne fòvela pa èngedenó tan da lašemestè; ma xën danz bôle m pûe žmarida i šaldi mègra; l'òda nče n bøl pèr de žnauzri ke la i la petova a kiš žeuini da la zòdules da mprovia. La s' ès pa maridà nia ngèrt, tan bën ke si fra Kašper; ma no a l un no a l auter ne ti fòvela mei garatèda. Kun Kašper n'ulòva deguna la mplantè ke la se temòva da la kunjêda. I kun Bèrbla nia miêč: ke kël savòva duč, ke la brèjes i èsela teut l prim di a kl pûere kòšo k'i òa uêia. Nši fòl mofun for vivui de beriêda Kasper i si sor; i òa n bøl lûek adùm, möz per un; kumandè kumandòvela sambën eila, Kašper nen òa nia de bon leprò, ma kul tēp s'òvel ènke uzà ite; i kël musòvel di kun duč, ke da čalè dela ròba savòvela Berbla.

Nòš Sepl ne pièrt l tēp debànt: l prim di kel la veiža, mètél man d' i la kuntè su, i fêš drèt la bôles; kan ke la va a kumprè ite te bekaría, i dal bon peis, i nši danter ite damandel mpûe dò: del lûek, del bestiàm, i unj tant nče de la vača rosa.

Anda Berbla, ènke maladèta, n'i dažova nia drē audida tel prim; ma kò ke l'òda udù kel teniva tan prò, messòvela mpò se lašè stòržer; dò i dò univela bøl plu ružnènta i se lašova drèt kuntè su da Sepl. I n di l'envièila gor ite a unì a čalé al lûek, ža kel a tan de nterès.

»Aha,« se pënša Sepl, »xën iêl eura de piê ite dasën.« I na seira dò l' anmaria se furnèšél su mpûe plu da katíf i pòia su da kšt' anda Berbla.

Te čëza da fuek fòa bèra Kašper sentà ke fažòda ristles. Riêš dò vën nče Bèrbla. Dant al dut mandela Kašper žun stala ai dè mò òra n iêde ala vačes; i mò kuna drêta seur; ma pò mudela debòta la uš, diš a Sepl kel dës mpûe se sentè ke la i fêš pa na boča de kafè.

El pënša ntant dò kò kel messèsa škumenčè per fe unì la ružnèda sula vača. »La rosa ne darà plu šaldi lat«, dižél.

Berbla: »O, ne pudēs pa nia me lamentè; lat dala mo drē asè, mè nši tan prēs ne la dèi pa mò via.«

»A kēsta mòda ne vala«, se pēnsa Sepl; l skota n pōz, kel ne sa plu kò mēter man. Ntant a Berbla fat l kafè i ti n da via na bōla gran kopa, bon čaut, kun n tō' de prezedèi leprò.

»Kafè fēzes de bon, tu Bèrbla«, dižel kan kel l'a čarčà. — »T'fēs dut nteur na bravia eila, n veiža bōle ke te tēnjes dut al orden.«

Berbla: »Pu n fēs mōfun če ke n pò, i če ke n a ūeia a fè a vōster da maridè.«

Sepl: »Ōhō, a vōster da maridè fēla ēnke kò ke mei. L bestiām tōl šaldi leur; i pò, kan kel fē da marčadè, al di da nkūei mūesa n' eila seula for avei tēma d'unì trapulèda. Iē mōfun ne fos mèi bon de i fē vèl de tōrt a n' eila ke nen a degunì zēnza a la kungsiē. Neus doi s' unissàn pa bēn neus a se la fē via. Kan k' una čēla tan bēn del lūek, pò possun pa bēn nče ružnè na drēta parola limpèa.«

Berbla: »L lūek fē pa kò ke se dē; doi bōla vačes, la plaza i la rosa; trei čeures i n bōl purčōl; i pò la kampanjes, kēles kunēšes nstēs.«

Sepl: »Pu danz, i mašima l bestiam vèl al di da nkūei; la vača rosa fē danz n pūe vōdla, ma setanta raines vèlela mo danjeura.«

»Setanta raines!« diš Berbla dut a n' altra uš; »kēl vèlela bēn mò ntant.«

»O kēl fē bēn mpò n pūe masa; l'è bēn ududa; la fē masa vōdla; i pò, l' a n bur peil; otanta raines fos pa l plu.«

Berbla: »Kanta per n bur peil, kēl fē tōš trat òra ēl, di mè drē ulà kel fē, i pò tan vōdla nen fē la no; otanta vèlela mò te čin anj.«

Xēn se pēnsa Sepl, ūepa mò mēter prò n pūe šaldi te n iēde, pò fē la mia; »Š'un te da una da čēnt, pò fē la bēn pajēda da senjeur.«

Berbla: »A no no; per čēnt i vint fosela mò dūnèda.«

»Una da dieš lašesa bēn mò dò«, dižel ēl xēn dut kuntēnt.

Berbla: »Per kēl ne vēnjel tan a di te n tēl kont; la plaza vèl danjeura doi čēnt; i čamps fē da pèr da surēdl, te čēza ne mančel nia, debič nen fēl degunì sul lūek, i on mò n pūe' de grōš prò. Mōz fē danz de Kašper, ma n' è bēn mpò mò asè nče per doi.«

Ma ntant Sepl ne skota nče plu su no; ēl pēnsa mè plu a la vača. »Nbēn pò, 110 la rosa« dižel mò n iēde.

»Ō, i pò la plaza, i na bōla pušion« inò eila.

Sepl: »Pò pudesàns la finè via nši.«

»Pu še te n' fē dasēn, še bēn.«

»Danz ke me n' fē pa dasēn; è pu bōle dīt, ke ne fose mèi bon de nğanè n' eila. Tókeme la man pò.«

Anda Berbla ke fòà tel leur de lavè žu, se suia bèn žu debòta la mans te gurmèl, i ti spòrč via la drèta. »Ulès mófùn priè de n bon tratamènt« dižela mò.

»A, kèl ne manča nia, ne te tò mè festide, tu Berbla. Pò pudóns fè via dut dumàn abeneura.«

»Dumàn abeneura?« žvèiela eila kun de gran ũedli. »Če dižēs pa pò žènt?«

»Kèl n' i nva a. deguni nia; dumàn da dumàn ièl l mīēč, pò iè riēs dut fat via.«

»Ŗ ma mussòn pu ži da senjeur kuràt.«

Xèn ne ntendòvel èl inò plu nia. »Če adurvonsa senjeur kuràt? A la pa l malàn ite, kel mŭessa la benedi?«

Berbla: »Ki pa?«

»Pu la vača rosa!«

»Ki dišpa vèlk de kèla?«

»Pu on pu bóle ružnà ġut ala longà for de kēs; iè te dè 110 raines, dumàn da dumàn vènj a me la tò, pò la mazóns debòta i bon.«

»O tu lóter ke t'fēs, onsa marčadà de vačes xèn? nen èsa damandà tan via i ka dò l lŭek, la kampanjes i l bestiàm per gauža del maridè? I xèn ke mèn iè dasèn ulēses tu trè vièrtles i te ružnè òra sula vača. Aspièta tu, ũepa iè te mustrè l buš«, i te kèla tòlela ka kl gran poz kul' èga da lavè žu i til širma, dan ke l sibe bon de mučè. Pesà ne s' òvel mia no ġut, kèl udòvel bèn ke fòà gran eura de mēter la bònà ġama dant. Just sun uš pētl te Kašper k' univa su de stala i l bat via per pòrte tan lonk kel fòà. Pò al pa bèn čalà de revè prò pòrta.

L auter di, kan ke l patrón damanda, še l a kumprà la vača, dižel: »Va pu mè su nstēs a marčadè; ma kèl te diži, ne tò pa l guan' da fóstes.«



La vödla muta.

- I. La iê fata!
A ve la di duta,
Îel da'uni mata:
Son vödla muta!
In`eurità,
Nen ês minà.
- II. No, ne fôve nia tan burta,
I minove ke la fos vënta;
Bênke n pûe stramba i kurta,
Fôvi mpò for valënta.
La ie nši,
Nen è mentì.
- III. Ma zën ke nen è gâtà,
Sons da runfles i n pûe foša;
L desdën m' a revinà
Šike na vödla moša.
Ah! mi žënt
Če spavënt!
- IV. Son vödla i žmarida,
Da sperè nen iêl plu nia:
Degùn plu ne me marida,
Ma la kolpa nen iê mia.
Mpò drë
Da muië.
- V. Îe sè i kl ból Dië
Tan k' e fat i è pruà;
È segur fat l fat i mië,
Ma nia nen a žuà.
Da bradlè
A pensè.
- VI. Son žita nče a dlëža,
Ma degùn sant ne m'a žudà;
I nfin, oh per dlëža!
Sant Antòne m'a tralašà.
Uleis de plu?
Ki ês kerdu?
- VII. Son žita a gratunè,
I trüe' bai m' a i pità.
Ma de me maridè
N' a mèi degùn nunzià.
Ès pu durmì
Bon sauri.

- VIII. A Urtižei èi fat la pròa,
Žita sons suēnz dlaite;
Ma degun vòdl ne me čalòà,
Duč mučòà riēš dedite.
Če nğanèda,
Nče per strèda.
- IX. Ah! mutòns dal kùer tan dur,
Ne ve binče nia de riē;
Ma la vendētta vèn segur,
Še n' a perdòn kel ból Diē.
Ti čavēi
A vo ēi!
- X. Ma xēn sè-i če ke fēže:
Iē devēnte mo na stria;
Pò mutòns iē ve drēže
I ve fruze duč n nia.
La tampòsta
A vo ròsta.
- XI. Sibe vòdl oder žeun,
Unjun arà si straufonga.
Ve tóke pu mè l teun,
Kēsta iē mi minonga.
Taka drēt
Kēš maladēt!
- XII. Pò kuntēnta ūei žbingè
Kun truēp autres la gernèa,
Kan ke ve veiže vo tumè
Granč i pitli pèa.
Pò n čik i n saut
Ból adaut.



N pūek per sòrt.

- »Per ki sieisa kšta iērba?« damanda n di n senjeur a n seteur;
»per vòš patrón?«
»No« diš l auter.
»Pò la siereis per vo nstēs?«
»No.«
»Pu per ki pa pò?«
»Per la vačes.«

«L iê pròpi n spavënt», dižòà kl pitl Sepl n di dò skòla ai skulèies, »tan de pustòmes ke n mûessa mparè. Sun tofla n fèž l šūelmòster de blanč, i te liber n' iêl de foš, pò dēsun i mparè duč.» —

* * *

Per savei če ke n' eila vèl ,mûessun la maridè.

* * *

Doi ūemes živa n iède a pet.lè per i pūereš. N di fòl revèi te čèza de n grañ paur ke se stažòà bèn defin.

Kan k' i fòa te pòrte, še audi l patrón žvaián drèt da desenà; l kraunjòà n fant per via ke l òa lašà na fum sota l tēmp. Xēs s'òl pesà: »Kēs ne da mpò no ka nia arža ke l a tan -la gran varizia». Ma un diž a l auter: »Purvè pudóns bèn, plu ke di de no ne pò-l.« I ei i va permóz a keš paur. Kan ke l òa audi de če ke se trata, i òvel da na bóla soma de šòldi; tanč nen n'òvi mò gata pra degùn. Sambèn k'ei se fažòà marūeia. I i l'òa kuntèda al paur, k'i minòva de ne gata nia. »Pu čuldì pa kèl?« — »Fažais na tēl fūera per na ròba da pūek, per na fum.« — »Bèn per kèl ke čèle de dut, te čèza; pò èi nče l mūet de dè de plu k'i autri a kei k' a de bužèn.«

* * *

»Čuldì eisa i čavei bóle grižes i la bërba mò tan bóla foša?« damanda n di n drē maladèt a n tēl bërba. »Pu, diš l auter, la bërba fè pa nče de vint anj plu žeuna k' i čavei.«

* * *

N grof s'òa n iède apustà n retrat da n moler. Kan ke keš moler i l pòrta, še i savòvel masa čer al auter, i, per nen avei drē de l kumprè, mētel man de di, kel nen iē nia tukà, ke n tēl retrat ne pò-l avei, ke l ne l vūel. Če fèš l pūere moler da la rabia? L va a čèza, fèš su doi urēdles da mušat a keš retrat i l mēt òra ke duč l veize. L grof l a ēnke žnòl udù; l prim mūmēt s'al desenà; pò se pēnsel, mūes mè l kumprè xēn, šeno duč me kujona. I l auter di vēnjel dal moler, i diš kel vūel kumprè l retrat, ke l a udù ke l iē bèn bèn tukà. »Ah pu, diš l auter, krēie bèn ke ne se kunešais nia dant, l mančòva la drēta urēdles.«

* * *

Saveisa čuldì ke l surēdl neñ a nia maridà la luna? N iède, čuldì ke la da; pò čuldì ke la va de nūet; i pò čuldì ke la fè unj mēns pleina.

* * *

L' eiles diš k' i ei fê de drê malàns; i mpò se pënseles su-
vënz: »Unis pu n tël malàn a me tò.«

* * *

»Tan ġut mētun pa da tlo te tël i tël lûek?«, damanda n di
doi furósti a un k'i ankonta per strêda. »Žide mē« respūent l
auter. »Pu kēl savóns bēn ke messón ži, ma tan ġut an pa a
revē iló?« — »Žide mē« dižel inò. »Kun kēš nen fēl nia da nfē«
se pēnsi xēn, i póa inò via. Kan k'i fòa žič n póz, še žvèia
l'auter dò: »Doi cura.«

»Pu čuldì ne pudòvesa di dant?«

»Mussòve n iède udei, kò ke žieis, a ulci ve di, tan ġut k'eis.«

* * *

Doi eiles òva ġatà su de penetēzia de ži a Waissenstòn kun
arbóies ti čaučēi; les òa fat òra de ži deberiēda. Les ne fòa nia
revēdes lonč, k'una òa metù man de se lamentē de mēl ai pīš;
l'autra skutòa mē drē bōla kfēta. Ntant vales inò n póz. Ngali
diš inò la prima: »Nen èsa tu nia mēl ai pīš?« — »No«, diš
l'autra. »Ah ma če bon pīš ke tu ès!« — »Pu,« respūent la
segonda, »fē è kūet l'arbóa, fē.«

* * *

Mīč maiē dut kēl ke-n a,
Ke di dut kēl ke-n sa.

* * *

N badiòt òva mandà si pitl mut sa mont a sturtē; i òa mē
plu n doi līnzūei de fēn da mēter ite »Ma«, òvel dit, »nē l mēter
pa ite masa abeneura, mpermò kan kel čanta.« Bon, keš pitl
badiòt va su, euta l fēn i pò se sēntel žu dlonga ad aspità ke
l čante. Kan ke l rua da seira, še damanda si pēre: »L' èsa
metù ite bon?« — »Ne l'è nia metù ite.« — »Pu čuldì pa no?« —
»Ė bēn aspità ke l čante, ma l ne čantòa mèi, po men sons unit.«

* * *

N di damanda na fēna a si ūem: »Čuldì režónesa for tan
adáút de nūet tel sūen?« — »Pu, dižel, de di ne me lašes pu tu
no mèi di nia.«

* * *

»Kan k'è n pūe la šlēs«, kuntòa n iède un, »pò nen èi drē
de di nia a mi fēna auter ke: »Bona seira, Maria,« pò dut l róst
dižela eila.«

* * *

»Laša dò te kel tambùrdl«, diš zakèi a kël ke sona l tam-
bùrdl; »nen áudesà ke l a n tòn šike na kasa? «Ne pòse lašè
dò nia,« respùent l auter, »ke tant me vënjel a mi.«

* * *

Bèra Tita a parënc rikes te zità. N di vën si sòr kun na
muta a l kri. Èl i mostra dut l lûek i la pušión; i rua nçe te
stala; l a de bóla gran vaçes. A la muta ti plëš l plu na tël
pitla čëndla. »Ah, diš bèra Tita, kēsta vè iē na bona bōstia; l'è
kumprēda l an pasà drēt bon marčà, kel semiòda ke la ne valēs
nçe kël nò; ma la s'a zidlà dasēn. I l'a mpermò doi anj.« —
»A če kunēšun pa tan d'anj ke l'a?« damanda la žeuna. — »Ai
kòrni.« — »A ó, l'a mpermò doi kòrni« dižela inò eila.

* * *

Bèra Žan vën tlamà dant a ġudizio. »Vo, diš l richter, eis
maià doi ljanjes de kel purčöl. Ne savaisa ke l purčöl fòda rubà?«
— »A la seur ne men èi pa ntendù nia« respùent bèra Žan.

* * *

Skivëve da l'eiles ke šibla,
dai ei ke fila,
dal kul de n mul,
da la boča de n čan
I da un dal padenòster tla man.

* * *

N studià živa per l mont i mašima ti vilaġi a nsenjē la žënt
deban; duč puddà ži a skutè su. N di fòvel revà inò ten vilaġo
i òa metù man de ružnè dant a na stua de paures. Ma kiš n'i
òà nia drē krēta. L ružnòda de l surēdl, de la luna, de la steiles;
l savòda da di, tan lonč ke l surēdl i la luna iē da la tiēra de-
móz. Kan ke l òa finà, še lóva su n drē maladēt i diš ke l ulēsa
damandē zòke. »Drēt ġēn« diš l auter. »Tan lonč iēl pa da tlo
te tël i tël lûek?« — »Purdenēde«, diš kël k'òda ružnà, »ma te
keš lûek ne sons mèi stat.« — »I tan de iēdeš seisa sta
sula luna?«

* * *

»Tan lonč iēl pa da Pruca a Maràn?« — »Doi eura de fe-
rata.« — »I da Maràn a Pruca pa?« — »Pu ēnke doi eura, čorka.«
— »Čuldì pa čorka? Da Nadèl a l an nūef iēl òto di, i da l an
nūef a Nadèl iēl adós n an.«

* * *

La bōna bales i la bōna fančòles mūesa levè seules.

* * *

N senjeur vën te na ustaria i se kumanda na prata. Ntan ke l maia vën l òst, n drë čakulón, i mēt man d' i kuntè su n pûe', per fè pasè l tēmp. »L iē, dižel, mpermò n mēns k' è kumprà kšta ustaria kun dut l fantòrum.« — »Ah, ah, diš l auter, pò fòa desegúr nče kesta prata bôle leprò.«

* * *

N profèser va n di te na ustaria a marēnda; i ža ke l i sa ke sibe tan bon čaut, še se sēntel te verzòn. Ntan ke l maia, da ite l surēdl sun si meiza iust ulà ke l iē sentà. Ngali dižel a la čulèa: »Seis tan bōna, autēme nteur kesta meiza.«

* * *

N jager, ke živa šaldi a čača, ma ke tukòa dinrèr vèlk, diš n di, te kēla ke l i tira a n liēver: »Xēn, pitl tiēr, fè mè testa-mēnt!« Ntant i tirl i l fala. Un ke fòa dlonga, diš: »Čalēdema, l sauta bôle a tò l nutàr!«

* * *

Še n' eila pòrta ite te čēza kul gurmèl, i ēl òra kul čestón, pò auzenòl mò for; ma š' eila pòrta ora kul gurmèl, i ēl ite kul čestón,¹ pò no.

* * *

Doi paures univa n di da marčà, un òa kumprà na vača. Per strēda veiži ngali n tēl grān kròt sun eur den lēk. »Tu, diš Tòne a Sepl, še te maies mōz kel kròt, te dēi kesta vača.« — I bōl mpont ke Sepl l maia mōz: la vača fòa sia, de Sepl. I va inò n pōz. Ngali diš Sepl a Tòne: »Še te dēs euta i maies l auter mōz kròt, pò iē la vača inò tia.« — I Tòne maia l auter mōz: la vača fòa inò sia. Pò va-i inò n pōz. Ngali diš Tòne: »Tu, Sepl, percé onsa majà kel kròt?«

* * *

»Pòpa, damanda n paura si užin, iē pa ti-vača inò nton?« — »Ši, ši, ma mi fēna s' a ruina l magòn.« — »Pu, kò pa nši?« — »Pu, ačò ke la vača gātēs ūeia a tò ite la medežines, i n dažòvi unj iēde na šadòn dant a la fēna.«

* * *

»I diš ke n kamèl pò laurè 7 dis zēnza bóver; nen ie pa kēl da se fè marūeia?« — »Ō, danz; i čēla, pra mè iēl iust l kontrario.«

* * *

L'eiles, n iēde ve lōkles,
pò ve bōkles.



Gran diskorso kum pŭčča paròles :

O, kò vala? — Grazia, la va. — O, pò vala bôle.

* * *

N mut žeun òva abù plu ġut na neviča i fòa pa per la maridè tòš. Ma duč i l deskunsiòda; i dižòda ke la fòa vièrča. L mut se pensa: »Vŭe pa mpò savei na segura, nkŭei i fèži pa la pròda. Ma la muta fòa unida al savei, i s'oa aržinià mò plu da maladèt: l'òa metú na odla via per fonz i s' òa tenì a mēnt bół frank ulà ke la l' òa metuda. Ntant vèn si nevič, se-senta žu prad ěila i mēt man de čakulè. Ora de nia mostrela via per fonz: »Čěla, tlo iěl na odla; i la tlupa su drēt da kuntēnta; xěn musòvel kreier ke l' òa de bon ũedli. Ma ntan k' ěila mēt kesta odla te čěsta dal fil, tòlel ěl na ola blanča òra de n kastel i la mēt su n čantón de meiza. ěila va via i se sēnta inò žu prad ěl. »Xěn čěla, žvěiela, keš mostro de ġat iě bół inò sun meiza; vēs žu o no!« i ti pěta via n drē ko'p, ke l' ola sauta ne sē ulà. Xěn sa-vòvel tan běn ke la udòva.

* * *

Da un da na gran fràbika věn n di n laurànt a se pitè. »Me sa riě, diš l patrón, a mesei ve lašě ži zěnza leur; ma ě bôle lauranč asě.« — »Ah, diš l auter, per kel pŭěk k' iě leure no ne ve ntendeisa nia te vòsta gran frabika.«

* * *

L žbir iě pa na persona ke n ne veiža nia ġěn unjàn; ma la Longa dižòda for kan k'el sen živa: »Adio, a n auter iěde.«

* * *

»Ke vo, anda užina, la žumblina ke iě našuda kun vo, iě mórta prěš dò.« — »Pu desegŭr ne sěi da vel di, anda Stina; mi oma n' a mèi sapú da di na drěta, šě iě oder mi sòr, di' dei běn, iě mórta.«

* * *

N senjeur diš a si peděnter, ke l děs i purtè n gò' d' ěga. Kěš l pòrta. »Ne sěsa, ke l' ěga pòrtun danjeura su na taza?« L peděnter va òra, žòta l' ěga su na taza i la pòrta inò ite. »O bōla, diš l patrón, kò děs i pa fě xěn a la bóver?« — »Kěl ulòvi pa iusta ně 'iě damande« respŭent l auter.

* * *

Mèl fěš la rōstes, plu mèl i spinačáns,
Ma mò plu la lēnga de la vódla mutáns.

* * *

»Tan de fasli de piēr vendeisa al mēns?« damanda n senjeur
al òst. — »Nteur n kindeš.« — Īe ve savēs bēn n mitl, ke pu-
desais n dē òra al manko vint.« — »I kel foš?« — »Žètè su unj
krìegl plēn kò ke toka.«

* * *

»Ma Mēine, diš l dutòr, kēl mesēsēs bēn savei ke l stalòt
del purčòl ne dausa nia vōster masa da užin da la čēza.« —
»Čuldì pa no?« — »Čuldì ke l ĩe mēlsan.« — »Iló se faleis, sen-
jeur dutór, i purčēi ĩe mò for stai nton.«

* * *

N pūere loter ĩe unì metù te peržón. Unj di, kan k' i i a
purtà l majē, pròvel pra uš per ulei ġauri. N di damanda kēl
ke čēla su, čuldì kel fěš kēl; še l uēl mučē? »No, no, dižel, čēle
mē, še eis bēn xarà, ke me tēme tan.«

* * *

L ġandarm n a pià su n di un k' a rubà n' eura. Ma ěl per-
tēnt de l' avei ġatèda. »Čuldì ne l' eisa pò nia purtèda tlo, da
la ġandarmaria?« — »Pu, dižel, vo tlo eis pu bóle duč n' eura.«

* * *

Ulà ke-n naš,
La iērba paš.

* * *

»Čuldì ne majeisa deguna čērn?«

»Čuldì ke n vēn plu vódli!«

»Čuldì ne būeisa no vin no piēr?«

»Čuldì ke n víf plu ġut!«

»Čuldì ne fumeisa nia la pipa?«

»Čuldì ke n sta plu ġut n vita!«

»Pu še ne majeis nia čērn, ne būeis no piēr no vin i ne fu-
meis nia, čuldì pa pò viver?«

* * *

Kašper s' a maridà. L di dò la nòza damanda si užin, kò
ke l a durmì la prima seira. »Me nsemiòve,« diš Kašper, »ke fosa
dut nteur mè via n gran fūek kūēčun; i minòve de vóster te l

infièrn. Dal gran spavënt m'èi dešedà. Pò èi palpà dlonga mè
žu, per udei ulà ke son; i è udù ke l spavënt iè mò mažer: ke
son maridà.«

* * *

Saveisa kò ke anda Lena fěš per udei še bèra Žan nen a
mia no bu masa kan ke l vën těrt òra d'ustaria? La i fěš mò
mēter n fil te na odla.

* * *

N avaròn iè šike n purčól gras: l utel an mpermò dò si mòrt.



Da ndevinè.

- I. Će iel pa ke krěš d' inviern i mòr d' instà?
L a la raviza sun som i krěš žuviēr.
- II. Ki ke ne l a nia, ne ũel nia l avei;
ki ke l a, ne ũel nia l piērder;
ki ke l vĕnč, ne l a nia plu.
- III. N l pòrta sun meiza, l mešeida i
i n da a duč, ma deguni nen maia.
- IV. Ki iè pa l plu da čorka te dlĕža?
Ki iè pa l plu vòdl te dlĕža?
- V. Kluna iè pa la masaria plu da totl
te čĕza? i kluna la plu da maladĕt?

